

**OPĆINA NOVI GRAD SARAJEVO****Općinski načelnik**

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 37. Statuta Općine Novi Grad Sarajevo - Prečišćeni tekst ("Službene novine Kantona Sarajevo", broj 30/09), Općinski načelnik, dana 16.11.2016. godine, verificovao je i donio

**ODLUKU****O KOREKCIJI REGULACIONOG PLANA  
"AHATOVIĆI"**

## Član 1.

Utvrđuje se Korekcija Regulacionog plana "Ahatovići" ("Službene novine Kantona Sarajevo", broj 10/14), u daljem tekstu: Korekcija Plana.

## Član 2.

Korekcija Plana se vrši na trasi planirane naseljske saobraćajnice, koja se nalazi u granicama Regulacionog plana "Ahatovići".

Korekcija se radi u svrhu legalizacije stambenog objekta Bajramović Semke, izgrađenog na zemljištu označenom kao k.č. broj dio 1263/3, dio 1257/3 i dio 2943 K.O. Reljevo, po novom premjeru, a na inicijativu Mjesne zajednice "Dobroševići", prema grafičkom prilogu 3, 4 i 5.

Korekcijom trase planirane naseljske saobraćajnice se mijenja izgled i površina Planom planiranih građevinskih parcela: br. 128, 129, 130, 131 i 134, koje se nalaze neposredno uz ovu saobraćajnicu, te vrši dislokacija planiranog objekta na parceli 129, a kako je prikazano u grafičkom prilogu 3, 4 i 5.

## Član 3.

Korekcija Plana se sastoji iz tekstualnog dijela i grafičkih priloga: Izvod iz Regulacionog plana "Ahatovići" - M 1:1000, prezentirano na listu br. 1, Izvod iz Regulacionog plana

"Ahatovići" - Prijedlog plana parcelacije - M 1:1000, prezentirano na listu br. 2, Korekcija Regulacionog plana "Ahatovići" - M 1:1000, prezentirano na listu br. 3, Korekcija Regulacionog plana "Ahatovići" - Prijedlog plana parcelacije - M 1:1000, prezentirano na listu br. 4 (faza: Urbanizam), Plan parcelacije sa mrežom građevinskih i regulacionih linija (faza: Analitička obrada građevinskih parcela) - M 1:1000, prezentirano na listu br. 5.

Tekstualni i grafički prilozi Korekcije Plana sastavni su dio Regulacionog plana "Ahatovići" ("Službene novine Kantona Sarajevo", broj 10/14).

## Član 4.

Korekcija Plana je rađena za fazu: Urbanizam i Analitička obrada građevinskih parcela, a obaveza investitora je da za faze komunalne infrastrukture i saobraćaja, izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Ahatovići", te da pribavi saglasnosti nadležnih javnih komunalnih preduzeća.

## Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

## Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02/04-23-9608/16-1  
16. novembra 2016. godine



Općinski načelnik  
Općine Novi Grad Sarajevo  
Mr. **Semir Efendić**, s. r.

## KOREKCIJA REGULACIONOG PLANA

„AHATOVIĆI „

M 1: 1000

„Službene novine Kantona Sarajevo,, 10/14



ZAVOD ZA PLANIRANJE RAZVOJA KANTONA SARAJEVO